

City of



Department of Public Utilities · 2600 Fresno Street · Fresno, CA 93721

A translation of this notice is available in Spanish, Hmong, and Punjabi on the City of Fresno website. Go to www.fresno.gov/prop218.

Una traducción de este aviso está disponible en Español y Hmong y Punjabi en la página web de la Ciudad de Fresno. Visite www.fresno.gov/prop218.

Yuav muaj kev txhais lus rau daim ntawv ceebtoom no ua lus Spanish, Hmong thiab Punjabi rau ntawm City of Fresno lub website. Mus rau www.fresno.gov/prop218.

ਸਟੀ ਐਂਡ ਫ੍ਰੈਜ਼ਨੋ ਦੀ ਵੈੱਬਸਾਈਟ 'ਤੇ ਇਸ ਨੋਟਿਸ ਦਾ ਅਨੁਵਾਦ ਸਪੈਨਿਸ਼, ਹਮੋਂਗ ਅਤੇ ਪੰਜਾਬੀ ਵੱਚਿ ਉਪਲਬਧ ਹੈ। www.fresno.gov/prop218 'ਤੇ ਜਾਓ।

Nyobzoo Cov Tswv Vajtse thiab Cov Neeg Them Nqi:

Daim ntawv ceebtoom no piavqhia txog kev hloovkho tus qauvnqi khaws khibnyiab ntawm qhov chawnyob rau cov tub lagluam uas tau txais cov kev pabcuam khaws khibnyiab ntawm qhov chawnyob los ntawm Nroog Fresno (Lub Nroog). Raws li Nqe XIII D ntawm California Tsab Cai, Lub Nroog tabtom muab qhov kev ceebtoom uas sau ua ntaub ua ntawv no rau cov tswv uas sau tseg thiab cov tub lagluam uas sau tseg uas tau txais, thiab/lossis them rau cov kev pabcuam khaws khibnyiab ntawm qhov chawnyob uas tau muab los ntawm Lub Nroog. Qhov tshwjkeeb tshaj, qhov kev ceebtoom no piavqhia txog cov kev hloovpauv uas tau nquathov txhawm rau qhov kev teem caij sau nqi rau cov kev pabcuam khaws khibnyiab ntawm qhov chawnyob.

Lub Nroog yuav tsa kom muaj lub rooj sib hais rau zejtsom txog cov kev hloovpauv uas tau nquathov rau kev teem cov qauvnqi, cov nqi, thiab cov nqi rau cov kev pabcuam khaws khibnyiab ntawm qhov chawnyob thaum hnuptim, lub sijhawm, thiab qhov chaw uas tau teem tseg hauv qab no. Nyob rau hauv lub rooj mloog zejtsom lus qhia, Xabphas Nroog Fresno yuav ua zoo saib rau txhua cov kev tawmtsam rau cov kev hloovpauv tus qauvnqi uas tau nquathov. Yog tias, nyob rau hauv lossis uantej kaw lub rooj sib hais rau zejtsom, cov kev tawmtsam uas sau ua ntaub ua ntawv rau qhov kev hloovkho dua tshiab tus qauvnqi uas tau nquathov yog tau suab feem ntau los ntawm tej thaj-av uas tau txais cov kev pabcuam khaws khibnyiab ntawm qhov chawnyob, Xabphas Nroog yuav tsis tshajtawm lub phiajxwm tus qauvnqi uas tau nquathov. Yog tias tau suab tsawg tshaj los ntawm tej thaj-av uas tau txais cov kev pabcuam khaws khibnyiab ntawm qhov chawnyob ces yuav xa cov ntawv kev tawmtsam uas sau ua ntawv rau cov kev hloovpauv uas tau nquathov, Lub Nroog yuav muaj feem pib siv tau nyob rau lub 7 Hli Ntuj, Hnuptim 1, 2024. Lub Nroog yuav leestxais cov kev tawmtsam los ntawm cov tswv thiab cov tub lagluam uas sau tseg tibi, tiamsis yuav suav ib qhov kev tawmtsam rau ib thaj-av nkaus xwb.

**DAIM NTAWV CEEBTOOM TXOG LUB ROOJ SIB HAIS
RAU ZEJT SOOM**

Cov Kev Hloovpauv Uas Tau Nquathov Rau Kev Teem Cov Qauvnqi Rau Cov Kev Pabcuam Khaws Khibnyiab Ntawm Qhov Chawnyob

Hnuptim: Lub 5 Hlis Ntuj, Hnuptim 2, 2024

Qhov Chaw: Fresno City Hall Xabphas
2600 Fresno Street
Fresno, CA 93721

Sijhawm: 5:00 Teev Tsausntuj

Keebkwm

Feem Haujlwm Tswj Khibnyiab Khoom Tawv (Solid Waste Management Division) (Feem Haujlwm) ntawm Lub Tuamtsev Haujlwm ntsig txog Cov Nqi Dej Hluavtawsxob Ntawm Zejtsoom (Department of Public Utilities, DPU) muab cov kev pabcuam khaws khibnyiab khoom tawv (khibnyiab), thooob khibnyiab, thiab kev txheeb sau khibnyiab nroj ntsuab/qhov khoom ua chiv ntxiv rau qhov kev pabcuam Ua Haujlwm Tu Kom Huv khaws tej khoom ntawm ntug kev txhua lub xyos ntau tshaj 119,000 cov tub lagluam nyob rau hauv Lub Nroog Fresno (Lub Nroog).

Muaj khibnyiab thiab cov tsheb pabcuam pab txhawb thauj khibnyiab ntau tshaj 165, Cov Neeg Ua Haujlwm Tu Huv 103 leeg ncig thajtsam li 1.3 lab mais kev thiab yuav nres ntau tshaj 18 lab zaus nres mus txheeb sau cov khibnyiab, thooob khibnyiab, thiab tej khibnyiab xim ntsuab/tej khoom ua chiv ntau tshaj 255,000 tons nyob rau txhua lub xyos.

Feem Haujlwm kuj muaj cov nyiaj pab hauv zejzog raws li nram no:

- Kev Ua Haujlwm Tu Huv, cov kev pabcuam txheeb sau cov khoom ib lub xyos ib zaug rau cov tub lagluam ntawm qhov chawnyob
- Cov Hnub Povtseg Khibnyiab Yam Tsis Xam Nqi nyob rau 6 lub limtiam xaus (weekends) rau ib lub xyos nyob ntawm Lub Thooob Khibnyiab thiab Lub Chaw Xa Ntawm Cedar Avenue
- Muaj Cov Koomtxoos Txiaiv Ntawv Pab Dawb 3 zaug rau ib lub xyos
- Cov kev ua ub ua no txog kev tswj khibnyiab
- Kev kawmpaub thiab kev nthuavtawm txog kev khaws khibnyiab

Qhov kawg no, Feem Haujlwm muaj lub luag haujlwm rau cov kev ua ub ua no txog kev taugxyuas thiab kev ceev tomqab kaw nyob ntawm Qhov Chaw Pov Tseg Khibnyiab Ntawm Fresno.

Cov Lajthawj Rau Kev Hloovpauv Uas Tau Nquathov

Txhawm rau muab cov kev pabcuam khaws khibnyiab ntawm qhov chawnyob txuas mus ntxiv rau cov tub lagluam ntawm tej qib kev muab kev pabcuam tamsim no, yuavtsum muaj cov kev hloovkho dua tshiab tus qauvnqi txhawm rau kev pab them cov nqi ua haujlwm uas nce ntxiv thiab rov teebtsa Feem Haujlwm qhov zoo rau phab nyiajtxiag.

Feem Haujlwm cov kev hloovkho dua tshiab tus qauvnqi uas tau nquathov rau qhov kev pabcuam txheeb sau khibnyiab ntawm qhov chawnyob yuav pab them nyob rau ncuva sijhawm 5 lub xyos suav txij Qhov Nyiaj Xyoo (FY) 2025 txog Nyiaj Xyoo 2029 thiab tau muaj lub homphiaj los ceev tej qib kev muab kev pabcuam thaum uas ua raws cov nqi nyiaj siv uas tau kom tseg rau kev ua haujlwm thiab cov nqi rau kev nqispeev thiab kev ntxiv cov nqi fajseeb kev ua haujlwm txhawm kom ua tau li cov cai teeb tseg fajseeb ua haujlwm uas tseemceeb. Cov kev hloovpauv tus qauvnqi uas tau nquathov cuamtshuam rau tus nqi muab kev pabcuam rau ib tug tub lagluam twg saib raws li qhov kev pabcuam lub thooob khibnyiab 96 nkasloos thiab/lossis qhov kev pabcuam lub thooob khibnyiab 64 nkasloos.

Yuavtsum muaj kev nce tus qauvnqi ntxiv los pab them cov nqi ua haujlwm uas nce ntxiv txij li kev nce nqi ntxiv zaum tag los nyob rau lub 9 Hlis Ntuj, Hnubtim 1, 2009. Cov feemxyuam kev faib suav nrog kev nce ntxiv cov nqi tsheb txheeb sau, roj, kev kho tsheb, cov nqi thauj khibnyiab povtseg ntawm lub chaw pov khibnyiab, lub chaw, cov thooob txheeb sau khibnyiab, thiab cov nqi kev ua haujlwm tomqab kaw lub Chaw Pov Tseg Khibnyiab thiab tus nqi nqispeev. Dhau li ntawd lawm, Lub Nroog tau ntxiv cov nqi tshiab txhawm rau ua raws li cov cai tswj ntawm Daim Ntawv Sau Nqi Khibnyiab (SB) 1383, uas xav kom muaj kev sib xyaw cov khibnyiab khoom noj mus rau lub thooob txheeb sau khibnyiab xim ntsuab/qhov khoom ua chiv, kev rov khaws cov khibnyiab khoom noj uas noj tau, cov kev ua ub ua no txog kev nthuavtawm thiab kev kawmpaub, kev taugxyuas, thiab kev yuamsiv. Dhau li ntawd lawm, muaj qhov kev pabcuam tshiab ntxiv rau kev txheeb sau qhov khoom ntawm ntug kev rau ib xyoo rau ib tug tub lagluam twg ntawm qhov chawnyob los ntawm kev teemcaij uas pib nyob rau Cov Nyiaj Xyoo 2026.

Lub phiajxwm nyiaj nqispeev uas tau nquathov rau Cov Nyiaj Xyoo 2025 txog Nyiaj Xyoo 2029 xam tagnrho \$92.3 lab thiab suav nrog cov haujlwm li nram no:

1. Kev hloovpauv Feem Haujlwm pawg tsheb thauj neeg laus = \$69.3 lab (21.4 feempua ntawm kev hloov kho dua tshiab tus qauvnqi kev xam)
2. Feem Haujlwm feem ntawm kev txhimkho Yam Pab Yoojyim DPU O thiab M = \$5.6 lab (5.5 feempua ntawm kev hloovkho tshiab tus qauvnqi kev xam)
3. Cov kev ua ub ua no txog kev yuav thiab kev ceev lub thoob khibnyiab kev txheeb xaus = \$5.2 lab (5.1 feempua ntawm kev hloov kho tshiab tus qauvnqi kev xam)
4. Kev txhimkho lossis kev ceev tomqab kaw ntawm Qhov Chaw Pov Tseg Khibnyiab Ntawm Fresno = \$4.6 lab (4.5 feempua ntawm kev hloov kho tshiab tus qauvnqi kev xam)

Theem Pib Rau Kev Xam Cov Kev Hloovpauv Uas Tau Nquathov

Nyob rau hauv kev tsimkho los npaj rau cov nyiaj 5 lub xyoos ntawm cov qauvnqi, Lub Nroog yuavtsum ua raws li Nqe XIII D ntawm California Tsab Cai los ntawm kev tsim cov qauvnqi uas rov pab them cov nqi tseeb tiag uas cuamtshuam nrog rau tej qib, qhov zoo, thiab qhov zoo ntawm qhov kev pabcuam uas tau xa tuaj rau tej hom tub lagluam lawm. Yog li ntawd, Lub Nroog kev kom cov nyiaj rau 5 lub xyoos uas tau nquathov ntawm cov qauvnqi saib raws li cov nqi kev pabcuam raws li ibtxwm thiab tau tsim yam uas zoo los pabtxhawb kev muaj vajhuam sibluag ntawm cov neeg sivtxheejteg kev ua haujlwm, uas yog cov neeg siv kev pabcuam nqi dej hluavtawsxob yuav them cov qauvnqi uas muaj qhov ntautsawg sib npaug ncajnraim rau tej qib, qhov zoo, thiab qhov zoo ntawm qhov kev pabcuam uas lawv tau txais.

Tus kws tuavxam txog tus qauvnqi kev ywjpheej tau tawmqauv kev teem caij 5 lub xyoos ntawm cov qauvnqi txhawm rau kev pab them Feem Haujlwm qhov kev khwvyees cov nyiaj xyoo hais txog peevnyiaj, cov kev ua haujlwm, thiab cov nqi nyiaj siv rau kev ceev rau cov kev pabcuam khaws khibnyiab ntawm qhov chawnyob. Tau siv txoj haukev los tsimkho cov qauvnqi khaws khibnyiab ntawm qhov chawnyob uas tau pomzoo yog saib raws li qhov povthawj tias cov cai teeb tseg txog qhov nyiaj khwv tau los txwm ntawm tus nqi dej hluavtawsxob tsimnyog yuav tau txais kev ua kom tau li qub sib npaug los ntawm cov tub lagluam nyob rau hauv txhua tej qib kev muab kev pabcuam nyob rau hauv feem ntawm tus nqi muab kev pabcuam rau cov tub lagluam ntawd. Lub phiajxwm tus qauvnqi uas tau nqua thov ua raws li California Tsab Cai los ntawm kev teeb cov qauvnqi uas rov pab them cov nqi tseeb tiag uas cuamtshuam rau tej qib, qhov zoo, thiab qhov zoo ntawm cov kev pabcuam uas tau xa tuaj txog rau cov neeg siv dej hluavtawsxob ntiagtug.

Kev tshawbfawb txog tus qauvnqi cuamtshuam rau 3 qib kev ntaus nqi – kev tsimkho qhov nyiaj khwv tau los uas xav tau los ntawm cov qauvnqi, cov cai teeb tseg rau kev faib nyiaj khwv tau los ntawm hom nqi kev ua haujlwm (ua haujlwm) raug nqi feem (kev ntaus nqi txog tus nqi kev muab qhov kev pabcuam), thiab kev tawmqauv txog tus qauvnqi.

Txoj cai teeb tseg rau nyiaj khwv tau los rau cov qauvnqi khaws khibnyiab ntawm qhov chawnyob yog raug faib txhawm kom qhov nyiaj khwv tau los-los ntawm cov nqi rau txhua tej qib muab kev pabcuam (raws li hom khoom, (pivtxwv, khibnyiab tawv, kev kho coj los siv dua, thiab yam yog nroj ntsuab/khibnyiab uas yog nroj) yog txaus nkaus uas yuav los pab them cov nqi kev muab kev pabcuam nyob rau hauv cov kev pabcuam xam tagnrho thiab raws li qhov lojme ntawm lub thoob khibnyiab. Tus qauvnqi siv cov nqi los raws li qhov lojme ntawm lub thoob khibnyiab rau txhua tej hom khoom txhawm rau txiavtxim cov qauvnqi uas muaj feem ntautsawg rau cov tub lagluam nyob rau txhua tus tub lagluam txhua hom.

Saib raws li cov tshwmsim tawm los ntawm kev sojntsuam txog tus qauvnqi kev pabcuam, muaj kev txiavtxim tias cov qauvnqi kev pabcuam qhov chawnyob ntiag tug rau Cov Nyiaj Xyoo 2025 yuavtsum tau rov hloovkho dua tshiab txhawm rau ceev feem ntautsawg ntawm cov qib muab kev pabcuam. Xws li, kev hloovpauv cov qauvnqi yog sib txawv rau tej qib muab kev pabcuam rau Cov Nyiaj Xyoo 2025. Thaum tau rov hloovkho tshiab lawm, cov kev hloovkho tus qauvnqi yuav raug siv yam uas sibnpaug rau txhua cov qib muab kev pabcuam nyob rau txhua txhia lub xyoo suav txij li ntawm Cov Nyiaj Xyoo 2026 mus txog rau Cov Nyiaj Xyoo 2029.

Cov nrhiv tau los thiab cov lus qhia ntawm tus kws tuavxam txog tus qauvnqi uas muaj kev ywjpheej yog muaj rau tshabxyuas los ntawm zejtsom ntawm www.fresno.gov/prop218.

Kev Kom Cov Qauvngi Uas Tau Nquathov Rau Cov Kev Pabcuam Khaws Khibnyiab Ntawm Qhov Chawnyob

Hom Tub Lagluam Siv	Lub Phiajxwm Tus Qauvngi Rau 5 Lub Xyoo Uas Tau Pomzoo				
	Cov Nyiaj Xyoo 25	Cov Nyiaj Xyoo 26	Cov Nyiaj Xyoo 27	Cov Nyiaj Xyoo 28	Cov Nyiaj Xyoo 29
Cov Askhauj Txog Qhov Chawnyob					
Qhov Kev Pabcuam Khaws Khibnyiab 64 Nkasloos	\$28.12	\$32.34	\$35.25	\$38.25	\$41.21
Qhov Kev Pabcuam Khaws Khibnyiab 96 Nkasloos	\$30.87	\$35.50	\$38.70	\$41.99	\$45.24
Lub Thawv Khibnyiab Khoom Tawv 64 Nkasloos Txhab Ntxiv	\$5.50	\$6.33	\$6.90	\$7.49	\$8.07
Lub Thawv Khibnyiab Khoom Tawv 96 Nkasloos Txhab Ntxiv	\$8.26	\$9.50	\$10.36	\$11.24	\$12.11
Lub Thawv Khibnyiab Kho Siv Dua Tau 96 Nkasloos Txhab Ntxiv	\$3.47	\$3.99	\$4.35	\$4.72	\$5.09
Lub Thawv Khibnyiab Nroj Ntsuab 96 Nkasloos Txhab Ntxiv	\$4.95	\$5.69	\$6.20	\$6.73	\$7.25

Yog tias koj muaj cov ntaubntawv kev paub ntxiv txog lub phiajxwm tus qauvngi uas tau nquathov rau cov kev pabcuam khaws khibnyiab ntawm qhov chawnyob, ces thov mus saib rau ntawm www.fresno.gov/prop218 lossis hu rau (559) 621-8218.

Kuv Yuav Tawmtsam Qhov Kev Hloovkho Tshiab Tus Qauvngi Uas Tau Nquathov Li Cas?

Muaj ob txoj haukev xaiv los tawmtsam tus qauvngi uas tau nquathov:

1. **Daim Npav Tawmtsam:** Lub Nroog Fresno (Lub Nroog) tau muab daim ntawv ceebtoom no nrhais nrog daim npav tawmtsam uas tuaj yeem xa rovqab rau Lub Nroog nyob rau hauv lub hnab ntim ntawv xa rovqab uas tau them uantej uas tau muab cia.
2. **Lwm Qhov Kev Tawmtsam Uas Sau Ua Ntaub Ua Ntawv:** Thaum uas Lub Nroog tau muab daim npav tawmtsam yog txoj haukev yoojyim tshajplaws yoojyim heev los xa daim ntawv tawmtsam, lwm cov foos (forms) ntawm qhov kev tawmtsam uas tau sau ua ntaub ua ntawv yog tuajyeem leestxais tau. Yuav muaj kev suav lwm daim ntawv tawmtsam uas yog sau ua ntaub ua ntawv uas raug suav yog tias daim ntawv ntawd muaj txhua cov feem xyaw raws li nram no:
 - a. Hais tias tus neeg xa txhobtxwm tawmtsam qhov kev hloovkho tshiab tus qauvngi khibnyiab ntawm qhov chawnyob.
 - b. Hais tias APN, qhov chawnyob ntawm txojkev, lossis tus nabnpawb askhauj nqi dej hluavtawsxob ntawm tej qhov khoom hais txog kev tawmtsam yog tau ua;
 - c. Suav nrog lub npe tus tswv cov ntaubntawv sau tseg lossis tus neeg them nqixauj uas tabtom xa daim ntawv tawmtsam; thiab
 - d. Suav nrog qhov suamnpe xubthawj ntawm tus tswv cov ntaubntawv sau tseg lossis tus neeg them nqixauj uas tabtom xa daim ntawv tawmtsam.

Cov npav kev tawmtsam thiab lwm cov ntawv tawmtsam uas sau ua ntaub ua ntawv yuavtsum tau txais los ntawm Lub Nroog Tus Tuav Ntaubntawv Lub Chaw Ua Haujlwm ntawm 2600 Fresno Street, Fresno, CA 93721 kom tsis pub dhau 5:00 Teev Tsausntuj nyob rau lub 5 Hlis Ntuj, Hnubtim 2, 2024, lossis raug xa uantej kaw lub rooj sib hais rau zejtsom. Tsuasyog daim npav kev tawmtsam uas tau txais uantej kaw lub rooj sib hais rau zejtsom nyob rau lub 5 Hlis Ntuj, Hnubtim 2, 2024, thiaj li raug suav xwb. Yuav tsis leestxais cov npav tawmtsam hauv email lossis fev.

Tsuasyog xa daim npav kev tawmtsam rovqab lossis xa daim ntawv tawmtsam uas sau ua ntaub ua ntawv yog tias koj **TSIS** xav kom Xabphas Nroog Fresno tshajtawm cov kev hloovpauv uas tau nquathov rau kev teem cov qauvngi rau cov kev pabcuam khaws khibnyiab ntawm qhov chawnyob.